

জুম গাভুরী



তরুন কুমার চাকমা



কল্পতরু বই পিডিএফ প্রকল্প

কল্পতরু মূলত একটি বৌদ্ধধর্মীয় প্রকাশনা প্রতিষ্ঠান। ২০১৩ সালে “হৃদয়ের দরজা খুলে দিন” বইটি প্রকাশের মধ্য দিয়ে এর যাত্রা শুরু।

কল্পতরু ইতিমধ্যে অনেক মূল্যবান ধর্মীয় বই প্রকাশ করেছে। ভবিষ্যতেও এ ধারা অব্যাহত থাকবে। কল্পতরু প্রতিষ্ঠার বছর খানেক পর “kalpataruboi.org” নামে একটি অবাণিজ্যিক ডাউনলোডিং ওয়েবসাইট চালু করে। এতে মূল ত্রিপিটকসহ অনেক মূল্যবান বৌদ্ধধর্মীয় বই pdf আকারে দেওয়া হয়েছে। সামনের দিনগুলোতে ক্রমান্বয়ে আরো অনেক ধর্মীয় বই pdf আকারে উক্ত ওয়েবসাইটে দেওয়া হবে। যেকেউ এখান থেকে একদম বিনামূল্যে অনেক মূল্যবান ধর্মীয় বই সহজেই ডাউনলোড করতে পারেন। আমাদের একমাত্র উদ্দেশ্য হচ্ছে, বর্তমান আধুনিক প্রযুক্তির যুগে লাখো মানুষের হাতের কাছে নানা ধরনের ধর্মীয় বই পৌঁছে দেওয়া এবং ধর্মজ্ঞান অর্জনে যতটা সম্ভব সহায়তা করা। এতে যদি বইপ্রেমী মানুষের কিছুটা হলেও সহায় ও উপকার হয় তবেই আমাদের সমস্ত শ্রম ও অর্থব্যয় সার্থক হবে।

আসুন ধর্মীয় বই পড়ুন, ধর্মজ্ঞান অর্জন করুন!

জ্ঞানের আলোয় জীবনকে আলোকিত করুন!

This book is scanned by Suvabito Bhante

ଜୁମ ଗାଭୁରୀ
ତରୁନ କୁମାର ଚାକମା

প্রকাশ

ছড়াথুম পাবলিশার্স,
বনরূপা, রাঙামাটি

প্রকাশকাল

বিসু' ২০১২খ্রিঃ

গ্রন্থস্বত্ব

লেখক

প্রচ্ছদ

তিতাস চাকমা

মুদ্রণ

রাজলক্ষ্মী প্রোডাক্ট,
রাজবাড়ী সড়ক, রাঙামাটি

কম্পিউটার কম্পোজ

সুজল চাকমা

বর্ণ বিন্যাস

এস আর চাকমা,
রাঙামাটি

প্রাপ্তি স্থান

ছড়াথুম লাইব্রেরী,
ত্রিদিব নগর সড়ক, বনরূপা, রাঙামাটি

মূল্য

১২০.০০

উৎসর্গ

মা ও বাবা

লেখকের প্রকাশিত গ্রন্থসমূহঃ

১. বাক্সি-র' - ১৯৭৩
২. এচ্যা বিঝু মা গঙ্গি - ২০০৫
৩. ভাবিবের কথা - ২০০৮

লেগিয়ের হাঙদিক কধা

কয় উক্ক গীদ কবিতা নিনে খর' মিজ়েলে 'জুম গাভুরী' নাঙ দি বই-ব' ফগদাং গরা অল'। ভুল থানা স্বাভাবিক, সেনত্যা়় পরবো পন্ডিগ; ঘঝা আ গলা দিয়েউন' সিধু কোজ়োলী রাঘাঙর ক্ষমা সুন্দর চানায় চেবাত্যা়়। ইজ্জদী ঘঝা দিয়েউনরে কোই পারং সুরর কারণে তারা যুদি লেই কুল্যাং তুনে পারা তুনিবের দরকার অয় সে ক্ষেমতা তারা রাঘেই পারন। তবে এক্কান কোজ়োলী রাঘেম গেইয়্যা উনে যেন ইধত রাঘান রজ়েয়্যা আ ঘঝা দিয়েউনরে।

এক্কান কধা ন' কলে নয়, সিয়েন অল' মর এই বই ব' পান্ডুলিপি যুক্কল গন্তে শলাত মর মেয়্যার ছাত্র বিশ্বজিত চাঙমা'র যুদি এ্যাহ্ঝাল ন' পেদুং সালেন মর কামর এক্কা লিউচ্ ওলুন্ সেনত্যা়় তারে গভীন মুরত্তুন ইধত তুলঙর।

আর আওঝর চিগোন কালর সমাজ্যা মৃত্তিকা চাঙমারে দ' কুও ন' যায় তার এ্যাহ্ঝাল ম' ইধু নিত্য টিপ টিপ্যা ওই থাইয়ী। তারে পাত্তুরুতুরু দিনে হিনো গোরিবের ন' চেই গভীর শ্রদ্ধা জানাঙর। কারণ তে ন' অহ্ধ' অয় -দ' ম' এ বইরো বেল' মু ন' দেঘিলুন। সে সমারে যে লেঘাব' নাঙে এই বইব' নাঙান রাঘা ওইয়্যা সিভে পত্তম গান বানেই সুর দিয়ে সেই মর আওঝর গুরজ্জন সুজন দেওয়ানরেও জানাঙর পাত্তুরুতুরু।

সে য়েরে পাত্তুরুতুরু জানাঙর তিতাস চাকমা'রে বই'বর আরুককান দিনে। যারা মরে মনে প্রানে ইধে বলে তেঙা পয়স্যায় নানা কামে এ্যাহ্ঝাল দোন তারারে ও পাত্তুরুতুরু জানাঙর।

বেঘর থুমেদি যে মর কানজাবা কুরে থেইনে স্বয়নে স্ববনে আহ্মেক্কন কামত উচ্চোনি তুলি দিএ্যা এজ' দি এযের মর সেই জীবন সমারী শ্রীমতি ভাগ্য লক্ষ্মী চাঙমারেও পাত্তুরুতুরু।

সূচি

জুম গাভুরী /৯	গেল্পে কেল্যা /৩১	নুও স্ববনর /৫৩
কন জনমর /১০	বেলান ডুবের /৩২	খারিস্ক্যঙর /৫৪
এক কুরি বঝর /১১	জুম্যাবী ভোন্ /৩৩	নয়ো মাদে /৫৫
ঝু জানের /১২	মেঘ' ছেরে /৩৪	উই পুগেদী /৫৬
বুদ্ধপদথ আহধিবং /১৩	চিগোন কালর /৩৫	তরে কোচপেই /৫৭
এ মন বানা মর /১৪	সেই ভোন্‌য়েরে/৩৬	পেক্ক্য ডগরে /৫৮
মৃত্তিকা /১৫	লাঙ্যাবী /৩৭	কন স্ববনর /৫৯
মুই অহ্লুংগ্যা /১৬	ও বেভেই /৩৮	যক্কে দেখ্যং /৬০
ঘরান মর /১৭	মন চুরী এবে /৩৯	এ সংসারত /৬১
মনপেখ্য উরিযানা /১৮	ভালোক বঝর /৪০	বুব' স্ববন /৬২
রেগা দ্যা আদামান /১৯	আমা নানু /৪১	পাগেই পাগেই /৬৩
এ মন' আঝা /২০	ও ফুলো তুই /৪২	ন এল সকে /৬৪
র গুনিল্য ডাগং /২১	মুর' মুরির মানেই/৪৩	বন্দুক ভাঙার /৬৫
আমা জুমর /২২	ও গাভুরী /৪৪	এই পিখিমিত /৬৬
ও স্ববনান /২৩	পেখ ডগন্তন /৪৫	জুমত তালোই /৬৭
যুদি মুই কনদিন /২৪	নানা মানজ্যর /৪৬	মুই এক জীবন /৬৮
সারা আদামান /২৫	ন অহ্লে নেই /৪৭	এ গীদ তর /৬৯
ইয়েন আমা দেঝ /২৬	২০০৯ সনর বিঝু/৪৮	তত্যা় মুই /৭০
ম চোগোত্তন /২৭	টানি তুল /৪৯	পেখ্য লগে /৭১
সিংগবা দুওরত /২৮	কবার নেই আর /৫০	মন খুলিন্যায় /৭২
কন্ সাগরত /২৯	এ জনম ও জনম/৫১	
এই ফুল চুজনী /৩০	কজমা বাছান /৫২	

জুম গাভুরী

জুম গাভুরী মুর' উধের
আহ্‌ঝাং আহ্‌ঝাং মু গরি
ঝনাত্‌ ঝনাত্‌ থেঙত হারু
আহ্‌ধত পিন্যে বাঙুরী
রাঙায় কালায় পিনোন হাদি
লাগের ভারী দোল
তারে দেইন্যায় মত্তুন অহ্‌লে
ভারী মনত্‌ পোল ॥
চুলোত ফুল গুজেইয়ে
লাগের নুদি নুদি
এক্কা এক্কা রিনি চাইদে
পিচ্ছে ফিরি ফিরি
কি কব' কিজেনি
কি অহ্‌ভ' কিজেনি ॥
লাজাং লাজাং হ্‌চ ফেলেই
বারবো বারবো আহ্‌ঝি
চোগ' লেজেদি চায়দে মরে
মাধা নিগুরি
কি কব' কিজেনি
কি অহ্‌ভ' কিজেনি ॥
সমারী অভেনি
সমারে নিবেনি ॥

কন জনমর কিজেনি

কন জনমর কিজেনি সে ছবিব ভাঝাদে
কন ফাণ্ডনর আভা খেই মইদু এযেদে ।
ম ঘুম' স্ববনত্ তে আহ্ঝেদে
ম সুগ' ঘুম তে ভাঙিদে ॥
কি মরে কবার আঘে কি তে কধ' চায়
কি ভাবি মইদু এযে কি মুই তার
পুর্গিমা জুন' পহরত ঘুম মুই গেলে
শিবুলী ফুলুনতুন তুমবাজ এলে
তারে মুই দেঘং কি দোল
নানা কধা কোই যায় দ্বি চোগোত ভাঝেতে ॥
আগাজর চান-তারা যেন তা রুবো রঙ
মেইয়া ডলা আহঝিব' পুরি ফেলেই নপারং ।
নিত্য ইধোত উধেদে নিত্য চোগোত ভাঝেদে
কন্ ফাউনর আভা খেই মইদু এযেদে ॥

এক কুরি বঝর

এক কুরি বঝর আগেন্দি
যে ফাউনত তুই এলে
গাভুর পোগোর শুনি যেই
আহ্‌ধত টানি রাগেদে
কধানিরে গধাদি টুগুত টুগুত মাদেদে ॥
মনান এল' আহ্‌জং আহ্‌জং
চোকুন তর নদি নদি
চুলোনি লোই বেরেই থদে
কিরব্যার সাঙু রেগাদি

সে দিনুন মর এঝ' ইধোত আঘেদে ॥
বেরেদং সঙ্কে ঝাগ বদিন্যায়
রেঙে গীদে সুগ দালিদি আদামত
পিদে কালোং পদথ বোঝেই
মন' কথা কধং কধক
গম লাগিদ' ছাবায় ছাবায় সাঝঙ ফির' দে ॥
আয় সমারী কবঙবানি ঘরান তুলি
জরা দেঘি উমর বানি কোচপানা
সত্য যুক্য টানি তুলি ফিরেই আমি
এই জীবনত কয়ব্য দিন আর বাজানা
ঘুরি ফিরি আহ্‌ওঝ গোরি মনত জাগা দে ॥

ঝু জানের

(পরিনির্বানগামী, বনভাস্ত্র নাঙে)

ঝু জানের ঝু জানের

ভাস্ত্রে তরে ঝু জানের

তুইদ আমার বুদ্ধ জাদর মান

দেবাত তলে তুই তারা, চান

তুই-দ আমার অবদান ॥

এই জনমত তরে পেই

এই জীবনত তরে দেই

ধর্ম চোগ মেলা গেল'

ত পহরানত বাঝি পেই

মানেই কুলর তুই-দ জ্ঞানবান ॥

দিবের আমার কিচ্ছু নেই

বানা তরে পেদং চেই

দুখ্যা কুলর রুক্যা আমি

বাজি আঘিই তুই আগচ কেই

তুই-দ আমার বেল'সান ॥

জনম জনম তরে পেবং

ফাঙ গোরিলং এগা মনে

বেগর মনত এগেম ধালি

ত কায় থেবং এক সমারে

তুই-দ আমার ভগবান ॥

বুদ্ধ পথত আহ্ধিবং

বুদ্ধ পথত আহ্ধিবং

ধর্ম কধা শুনিবং

এয' রে এয' এয'

পূণ্য কামত্ লামিবং ॥

ইত্তুন পারা পথ্ নেই আর

ইত্তুনপারা পহ্ৰ নেই আর

ধর্মে কর্মে ভরন গরি

ভান্তে কধায় চলিবং ॥

মা পিথিমী বাজি থাক

ভান্তে আমারে বাচ্ছেই থাক্

দেঘেই দিলে সুখ নপেই

তুই বাদে-দ উবোই নেই

সুরণ গরি ইধোত তুলি

ত কধানি ধরিবং ॥

এ মন বানা মর

এ মন বানা মর আহুঁঝি যেদ' চায়
পেগো ধক দুয়' মেলি উরি যেদ' চায়
রিজেরিজি হিংস্যা রাগ ফেলেই
বেজার দোল কোচপানা বেগ ফেলেই
লগে সমার নেই গোঁরি বানা গায় গায় ॥
আগাজত আহুঁঝি গেলে তারা অভার
সাগরত আহুঁঝি গেলে মুক্ত অভার
যিদু গেলে দেঘা ন পেম
কার' আহুঁঝি কার' রেঙ

মনে কয় সিদু জনম লবার
ঝর আর ন' দেমবোই
ব' আর ন' খেমবোই
কন' দিন আর ফিরি ন' এমবোই
যুগে যুগে সিদু থেমবোই
আঝানি বাঝি থেব' পধ'মায় ॥

কানিল্যা এমনান মর
পুরনি দিনুন ইধোত উধিল্যা
চিং পুরিল্যা চোগ' পানিয়ে ভাঝেই দিম
সেই পুরোনি দিনুন ন দেভাক কন' জনে
বানা শলঙান পরি থেব' ত কায় ॥

মৃত্তিকা

চিনং ধরি যারে মুই চিৎদিঘোল কোচ পেদুং
সক্কেতুন ধরি তা সমারে কধক ঘুম যেধুং ।
পথম লাগঘত রাঙামাত্যা স্কুল জীবনত
উমর বানি সমেই আঘে এজ' তে ম মনানত ।
কজ'মা বঝত বেরা যেয়ং চেঙেই আগারে
মাচ্ছ্য ছড়া তা ঘরান ভূইয়' আদাম' ছেরে ।
লোই বেরেইয়ে তারা আদাম চেরোকেত্যা কুদুম
দিন্য বেরেই অহরান গোরি যেদং সুগোর ঘুম ।
মনানি এল' বেগর দোল গম লাগিদ ভারী
আদেখ্যা দেলে স্ববন' সান্যা মনান থেদ' আমক গোরি ।
একদিন এল' তা ঘরপাদা বন্দুকভাঙা মুগছরি
গধা ন অহ্ধে মা বাপ এলাক সিদু উমর ধরি ।
যারে গত্তুং যক্কে সক্কে মনে মন যক্কা
সে সমাজ্যার নাঙান অল' মৃত্তিকা ।

মুই অহলুংগ্যা

মুই অহলুংগ্যা ডিসকো মিল্যা ডিসকো পিনি থাং
বেন্যাবেল্যা কেইয়া ধুলেই ডিসকো গীদ গাং ।

আই লাভ ইউ, ইউ লাভ মি

আভা যাবা মদে মরে পাত্তা পেবানি ।

টা- টা- বাই- বাই

যক্কে সক্কে কধা ন' কঙ রাজ পধ' মাই ।

এসটাইলিস এসমার্ট অহলে যদে পদে কোচপাঙ

তোগেই পেলে ছারি ন দিম সেজান উক্য লাঙ ॥

তুমি না ভেরী নাইচ খু-উ-ব মিষ্টি

হ্যা হ্যা অপেক্ষা করবো কাল আসবে কি ?

আরে না- না থাক-থাক

যিদু কধা সিদু থেলে মরে পেবে লাগ্ ।

মনান মর উরং উরং আয়না বেয়েই চাগী

চায়নিজ খাবেম পেট ভরন ভাজা দুধ ঘি ।

টাইম ইজ টাইম যদিও মুই বেরাং

অন্য দিনত ন পেলেও এচ্যা তরে চাঙ ॥

ঘরান মর

ঘরান মর দিগীলি বাগ
সিদু গেলে পেবে লাক
নত্ চরিন্যায় হঝা এইম মুই
আলচি গল্যা বাচ্ছেই থাক ॥
আঘে এল' চেঙেই পারত
কেধাক্ তুকদ্যা ঘর
ইক্কু তুল্যাং মাত্যা ওদোম
নেই কন' আর দর ॥
মনে কলে বেরেই চাগি

চিৎ ভিজিল্যা থাগ
ঘরান মর দিগীলি বাগ ॥
কালা চোগী রাঙা চোগী
হস্তাল মিলে নেইয়ে মা
তিন জন মর সদর মোক
নেই ইত্তুন পারা ॥
অগ'মানে কঙ্গে ইক্কু
মোক্কুন সারি দিম
মুই ন' এত্তে লামি যেও
আর' উক্কলোই ফিরিম ॥
রাগ দেগেলে হাক্কন গোরি
মরে মেইয়ে গরন
সারি দিবের কধা कहলে
ফেসু ফে-সু কানন ॥
মোগোর জ্বালায় কি গত্তুং আর
মাধাত ধল্য তাক্
ঘরান মর দিগীলি বাগ ॥

মন পেখ্য উরি যানা

মন' পেখ্য উরি যানা তারে তোগাগোই
মন' কথা ভাঙি ভাঙি তারে ক-গোই ।
উরি যানা দুও মেলিন্যায় সোচ্ আগাজ' তলে
আহ্‌ঝি আহ্‌ঝি ক-গোই যা ফিরি এভ' কমলে ।
তগাগোই যা সাত্‌ দয্যাত মোন মুর' ঘুরিলোই
গদা সংসার ভাঙি ভাঙি বর্গাঙ পারত্‌ বোই ॥
দোল্‌ সুরেদী ডগরিছেই গাজ বাশ ঝারত
ত' কেইয়ে ফোর ফেলেই দি এইস তে ন এলে তা করত ।
তারে মুই কানেয়ং আহ্‌ঝিবের কোই এভে
কি গরের কি ন' গরের চেই এইস্‌ কেঝান আঘে ।
তারা ঘরত্‌ লুঙিল্যাগোই বাঝি-র গুনিবে গোই
দগিনর ফিলগি কানান্দি রিনি চেলে তারে দেবেগোই ॥

রেগা দ্যা আদামান

রেগা দ্যা আদামান

সাঙু দ্যা ত ঘরান

চিক্ চিক্যা লাগেল্লোই

বলপেইয়া আদামান ॥

সাঙু বেই লামি আয়

আহ্দি আয় রেগা বেই

পিখীমিত তুই মুই কিওজন নথেই

তুইও' ভাবিচা মুইও ভাবি চাঙ ॥

বরগাঙ' পারে পারে

মোন মুর' ছেরে ছেরে

ডাগি থেব' ক'জলি মেঘ' সান

ঝরি ঝরি পরিব' দ্বিজন চলঙান ॥

ঝর' পানি ছেরে ছেরে মরে তোগেবে

ত' আহ্ঝিবত জাগাদি রাঘেবে

ও সমারী মনানরে ফিরেই আন্

উমর বানি কাদেই দি জনমান ॥

এ মন আঝা

এ মন' আঝা এ মন লোই সেদিন এলং তল্লোই
গুরি গুরি মেঘ ভাঝা দ্যা না না রঙলোই ।
তে এল' তা মনত সোচ আগাজত
ছিফুদ' পানি এল' তা ছিবে চোগত ।
দেবাব্য দোল এল' রাঙা মেঘ লোই
ভাবনাত সাজুরঙর দয়্যাৎ তারেলোই
জীবনত সুগ এল' সে দয়্যার তুবোলে
ভঙরা উত্তোন ফুলর কানে কানে ।
সে দিন্য এঝ' মর ইধোত উধেদে
গুনংগে তা রেঙ গীদ চোগত ভাঝেদে ।
বারিজ্যা এল' দে পানিয়েন পাংওই
তে-দ আর ন এল' পাল তুলি নয়ানদোই ॥
কমলে ফাঙন এভ' কমলে ফুল' ফুদিবেক
দোল দেবাবো তলে তলে কমলে পেক উরিবেক
আঘে এঝ' মর আঝা মন' আঝা বুগ' আঝা
ছিনিলোম দোল ফুলুন গুজেই দিম চুল যগা ।
সারাল্যা চিল্য ওই রোদ দোগোত উরিম বোই
কন মল্লুগত তে যেইয়ে তারে তোগেই আনিমবোই ॥

র' শুনিল্যা ডাগঙ তরে

র' শুনিল্যা ডাগঙ তরে

তুইও ডাগচ মরে

ফারক্ ওইন্যায় কয় যুগ খেবং

ঘর তুলিবং কমলে ॥

আহঝি যেব' মোন মুর

আহঝি যেব সুগোর ঘুম

এনে এনে লাঘা অভং

এনে এনে অভং থুম

ভাবি চেবার দিন্য এচ্ছ্যা দজন অভ' কমলে ॥

চনা মনা এগ অহ্লে

আমি কিত্যায় ন' পারি

আমি দ্বিজন এগ অহ্লে

আমিও পারি ইয়োর গোরি

আয় সমজ্যা এগ ওই লোই সংসমারে ॥

আমা জুমর

আমা জুমর লাঙেল' পিধিত আমা মোন' ঘর
তাগল এক্কাণ আহুত লোই সিদু যাঙর ।
দুখ্যা কুলর মানেই মুই দুগর কাম গরং
ম জীবনত মুর' বাদে শহর ন দেঘং ।
কেইয়ে ঘাম থেঙত পরে রোদ' ধোগে ধোগে
দুগ' কাম তুও' ন ফুরয় সমার ওইয়েদে ॥
কেইয়াত আঘে ফাদা ফাদা উক্য গোরি সুলুম মর
তালি তালি কানি বাদে নুও ন পেলুং জীবনভর ।
রোদ' দোগত কাম গরিল্যা পিদ পোরেই উধে
রোত্তান বাদ-দি কাম গোরিল্যা খেবার ন থাইদে ॥
দুঘে দুঘে জীংকানী মর দুঘ আঘে উমর ভর
দুঘত জীবন দুঘত পরান দুঘত মরন্ ॥

ও স্ববনান

ও স্ববনান মেঘ চাগা ওই ম মনানত ভাঝাদে
ত দ্বিবে চোগ পুর্ণিমা র়েত আন্ধার ফুরি আহ্ঝেদে ।
ফুদ' ফুদ' হুও ছেরেন্দি বেলান উধিল্যা
ইতুক ইতুক খুচ ফেলেই পধত আহ্দিল্যা
বাচ্ছেই থেলে ত পধেন্দি মুইও আহ্ধি যেম
ত আহ্ধানা থুম অহ্লে পথান সুক পেম ।
এই জীবনান ফুল ছরালোই গাধেই থবং সমারে ॥
পিকুম গোরি বিকুম গেলে
ইধোত তুলি মনত পলে
ম' কোচপানা আহ্ধত বেরেই রাগেবে
ত কোচপানা জনম জনম স্বর্গ বানেবে
আয় রেগাদি মনানিরে তল্লোই দ্বিজনে ॥

যুদি মুই কন দিন

যুদি মুই কন' দিন ফিরি ন' এযং

সেই গাঙ ছরান্দি

যুদি মুই কন' দিন ন আহুং

সেই ভাঙা পধেন্দি ॥

নিত্য দোল ব' বেব'

ধুলি ধুলি চলি চলি

নিত্য মনান সিদু যেব'

ভঙি ভঙি উরি উরি ॥

যনম যনম যুগে যুগে থেই

যুদি এযং ফিরি

সেই গাঙ ছরান্দি

সেই ভাঙা পধেন্দি ॥

সক্কে তুই থেবে কি

সক্কে গীদ গেবে কি

নুও গোরি ফিরি এলে

ত বুগোত থবে কি ॥

অহ্লে তুই পুরি ফেলেবে

অহ্লে তুই মনত ন রাগেবে

তরে চিনি ত কায় এলে

মরে কবে তে এল' কি ভাবি ॥

সারা আদামান

সারা আদামান সারা পয্যা
সে দিনুন আর নেই ভেইলক
কামত লামি এক সমারে
তোগেই লবং সুগোর পথ ॥
ধর্ম পুণ্য এগেমে গোরি
মানেই জনমান পহ্র গোরিবং ॥
ধরা ধস্যা ওক বেঙ্কুনর
ভাঙে ইধু এ'বর মাগিবং
এক পিলে ভাদর মানেই আমি
ইয়েন রাঘেবং মনত ॥
থেবং সুঘে বেঘরে কোচপেই
বনভাঙের কধানি শুনি
এয' এয' বেঙ্কুনে এয' ভাঙেরে সুরণ গোরি
ভক্তি গোরি মনত গোরি
ফারগ ন অভং আর জনমত ॥

ইয়েন আমা দেঝ

এ্যাহ্ল এ্যাহ্ল গাছ বাশ মুর' মুরি বেচ
চিনি ল বেঙ্কুনে ইয়েন আমা দেঝ ।
মানেউন ভারী দোল সনারঙে সাঝেইয়ে
ফুলুন থান নাজি নাজি থুপ থুপ গাধেইয়ে ॥
ঘরে ঘরে বাঝি র ঝারে ঝারে পেগো- র
কন' কেত্যা পেধা নয় পিথীমিত তোগেই চ ॥
ধগে ধগে আদামানি দুপ্ দুপ্যা পথানি
বেঙা কঙা বেই যেইয়ে লাঙেল পিদি শেজ
চিনি ল বেঙ্কুনে ইয়েন আমা দেঝ ॥
মেয়নী, চেঙেই, কাজলং বরগাঙ
শঙখ, মাতামুরি এ দেঝর ছরা নাঙ ॥
ধনপুদির ধন পাদা বিজগর রাঙাপাদা
চান্দবীর বার মাস তান্যাবীর মন' কথা ॥
পেবা তুমি পদে পদে দেভা তুমি ইধু বেক
চিনি ল বেঙ্কুনে ইয়েন আমা দেঝ ॥

ম চোঘোত্তুন

ম চোঘোত্তুন কক্কে তুই আহ্‌ঝি গেলোগোই
এধক ডাগং সমথ ন দ্যস ন-দ' এলেগোই ।
ঝরানে কোচ পায় সাওন মাস্য যেধক আঝা গোরি
মুইও কোচপাঙ ম মনত তরে সেধক গোরি
বাচ্ছেই আঘং তরে মুই ফুল ছরালোই ॥
এই পথানত বোই আঘং তরে রিনি চেই
আঝায় আঝায কাধেই দিম তরে কোচপেই ।
বুগোত বানি রাগেম তরে ফিরি এলেগোই ॥
ম চেরকেত্যা আঝি বেরাই ত' ছবিবো
ইধোত উধে মনত পরে ত আহ্‌ঝিবো ॥
হা- হা চি- চি ন' গরে আর দিন্য গেলোগোই ॥

শিংগবা দুওরত

শিংগবা দুওরত এইন্যায় মরে কন্না খুন্তেইয়ে
কানে কানে চুবে চুবে কন্না কি কইয়ে
পরান গরের দুগুত্ দুগুত মনান ওল ওইয়ে ॥
ছরা পারত গাঙ' কুলত
পলুংগী মুই কি ভুলত
কধা কবার নেই আর মর বুদ্ধি ফুরেইয়ে ॥
ফুল ফুন্তন দে গাঝে গাঝে উরি এন্তন ভঙরা
আহুওচ গোরি রাঘেই দ্যং খাদি বেরেই জগরা
জাগুলুক ওইয়ে ম মনান কন্না কি কইয়ে ॥
উরি উরি ফিরি ফিরি তারে পেদুংগোই
মন বনা ফুল' বনা তারে দিদুংগোই ।
কিছু কবার নেই আর মর আঝা পুরেইয়ে ॥

কন সাগরত আহ্নরেলুং

কন সাগরত আহ্নরেলুং ম' গীদ' সুর
মন' সাগরত সাজুরিলুং কুল ন পেলুং ।

কন পেখ্য উরি গেল' দুও মেলি বোয়েরত
ফৌর ফেলেই তে গেল' ম মনানত ।
ম ফুল গাচ্ছনত যে ফুল ফুধেলুং
চুব গোরি নেযে লাক কন্না সে ফুলুন ॥
যে গীদ গেদুং বাঝি বোলই সুর তুলি তুলি
মন বুঝেদুং মন কানিলে সিবা আজাগোরি
ম সমাজ্যা বাঝি ব' কুধু আহ্নরেলুং
এধক গোরি তোগেরইন্যা তোগেই ন পেলুং ॥
যে এ্যাম কইয়ে ম ধাগত কথা দি যেইয়ে
এধ' নয় আর কন'দিন তেও ফারক ওইয়ে
এই জীবনত নানান কেত্যা তারে তোগেলুং
দুগ্ অল' ম-সমার সুক ন' পেলুং ॥

এই ফুল চুজনী দল

এই ফুল চুজনী দল একদিন
দেখ সারা ওই পেবাক
আমা দেবর ভঙরায়
ফুলে ফুলে গীদ গেবাক ।।
সে দিন না তেহ্ এধ' সুগ' দিন
এ গীদ মর শুনিদুং
মা ভোনের আহুঝি দেঘি সেদিন না
ম মনর চিৎ জুরেদুং, একদিন
এ গীদ মর বেগে শুনি থেবাক ॥
সেদিন না ফাউনর কোগিলুনে ডাগিদেক
সুগোর ঘর বানিব্যার আঝালোই
জারকাল্যা হুও ছেরে খেরানি আহুঝিদ'
কুঝী দিক পাদা কেইয়ালোই
মন' সুগে কোচপানা তারা রিনি চেবাক ।।
সেদিন দেভা তুমি এদেবর গাঙ কূলে
আহুজার পেগে উরি বেরে বাক ।
গাবুজ্যা লগর জয় জয় রেঙ শুনি
লেজ বলা দল তারা পদে তারা ধেই য়েবাক ॥

গেল্পে কেল্যা

গেল্পে কেল্যা চিক্ক মরে কধা দি যেইয়ে
তারা ইধু বেরেদুংগোই মরে বোলেইয়ে
তা-দা বেল্যা হঝা এভ' আধাপদত বাচ্ছেব'
ঘর' কনাতুন পলেই পলেই চিক্ক মরে চেই থেব ।
কি কোমবোই মুই কি কোমবোই তারা ঘরত লুহুঙিলে
জাগুলুক ওইয়ে ম' মনান অঝম বুদ্ধি নাজ ওইয়্যা
তামা কব' দেলে মরে ন-দ চিনঙর
কুতুন এযর মিলে পুও কুধু তমা ঘর ।
ত বাবরে কি নাঙ ডাগন তুমি কা গঝা
কই পারিলে কি কামত্যায সকে অভ' কি দঝা ।
কি কমবোই মুই কি কমবোই তারা ঘরত লুহুঙিলে
জাগুলুক ওইয়ে ম' মনান অঝম বুদ্ধি নাজ ওইয়ে ।

বেলান ডুবের

বেলান ডুবের চানান উধের
আন্ধার দেবাত তলে
তা কেয়ানর পহরে পহরে
ম মনানও জ্বলে ।
চানান তরে মুই দোল দেঘং
আয়না ইধু ডাগঙর
আহ্জি আহ্জি তুই এলে
আজা গরি লোম
নাঝি নাঝি তুই এলে
ম' ধাগন্দি থোম
তুই এলে ধ' ফুল ফুদিবেক
পত্তাপত্তি উরিবেক
ছরা খুলুঙত পহর গোরি
জুনি পুঙ্কুন জ্বলিবেক ।
তুই আগাজর দেবাত তলে
ফেলেই ন' যেচ মরে ॥

জুম্মবী ভোন্য মোন' ঘরত

জুম্মবী ভোন্য মোন' ঘরত বোই আঘেদে গায়
বেলান গেলে মন' সুগে ঘরত ফিরি যায় ।
দিন্য এলে গীদ গেই গেই খেংগরংয়ান বায়
ধান' কেত্যা দ্বিবে চোগ কধক খুশি পায় ॥
মেঘুল' গজ্যা দেবাব্য ছাবা পয়্যাগি গাজ বাঝত
জুম' ধানানি নাজি উধের পিবির পিবির বোইয়েরত
সিনি দেগিন্যায় জুম্মবী ভোন্য ঘুরি ফিরি চাই ।
মন' সুগে আহ্জি আহ্জি উভ' গীদ গায় ॥
ছরা হলুঙত পেক্ ডগরন বুৰ' ছেরে বোই
সিঙন ধাবাই জুম্মবী ভোন্য বাদল আহ্ধত লোই ।
এক্কা এক্কা নদি নদি পিচ্ছে পিচ্ছে চায়
নিত্য খুজী তা মনান বেন্যা অহ্লে জুমোত যায় ॥

মেঘ' ছেরে তারাগুন

মেঘ' ছেরে তারাগুন ঝিমিত ঝিমিত জ্বলদন
আহুজি আহুজি মন' সুগে এক সমারে নাজদন ।

ও আগাজর তারাগুন মরেও নেয'না
যুগে যুগে তোমাধক্যা মরেও রাগ'না
তমা কেইয়ে তমা মন্ ভারী দোল লাগে
রাঙা রাঙা ঝিমিত ঝিমিত চাদে গম লাগে ।
এই পিখীমিত তমা ধক্যা আর-দ ন দেগং
এই জীবনত তমা ধক্যা দোল-দ ন দেগং ।
মুই ডাগঙর তমারে একবার রিনি চনা ॥
দিন্য এলে ঘুম যদে রেত্য এলে জ্বলদে
মন' সুগে থাগ' তুমি নাজি নাজি গীদ গদে
তমা লগে উধিম বজিম্ তমা লগে থেম
এয' এয' ময়দু তুমি তমা লগে উরি যেম
আন্ধার রেদোত জাগি জাগি একবার আহুজ না ॥

চিগোন কালর সমারউন

চিগোন কালর সমারউন কুধু গেলা মর
ইন্দি উন্দি তগাংগে তগেই ন পাঙর ।
এয' না খারা ওই মিলিমিঝি সমারে
এয' না বেরেইওই গাঙ' পারে পারে ।
ধুলনত ধুলিবং মরে ধুলগি
ঘিলা খারা খেলিবং এয' খেল'গি ।
গাছ' বাশ' ছাবা তলে পরি পরি থেবং
খেংগরঙ শিঙা বাঝি আর' বেবং ॥
আজুরে ন' ধোরেও তে কিচ্ছু ন' ক-ব'
তে-ও তগায় তমারে তুমি কিত্যায় ন এয'
নানু ধাগত বজিনে পছন শুনিবং
জুন' পহরান বাঝিলেগী পস্তি খারা খেলিবং ।
এয'এয' সংসমাজ্যা আহুওজ গোরি ডাগঙর ॥

সেই ভোন্যারে

সেই ভোন্যারে মইধু এবার কোয়ংগে
দোল দেখ্যংগে তারে মুই পেলে লোমবে ।
মন' কথা কয়ংগে সিন্যা শুক্রর বারে
আহ্‌ঝি আহ্‌ঝি জুমত যায় এইম-ব' কইয়ে মরে তে ॥
আমা ঘরান দেঘেই দোওং ফুর' মোনতলা
দিয়েন আঘে সিদু ঘর সাগর শিলছরা ।
বেগ' চিগোন আমা ঘরান ইজোর আলক্‌ দ্যা
ফালমারি উধ' পরে সাঙুয়ান ভাঙি যেইয়ে ॥
গমে গোরি দেগেদে রাঙামাত্যা শহরান
বোইয়ের বেলে আমা ঘরান উরি যেদ' চায় ।
ভেন্যা পিন্যা বাবারে দেলে চিনিবে ।
তাগল এক্‌কান আহ্‌ধত তার দেলে আহ্‌ঝিবে ॥
একদিন দ্বিদিন গণি গণি চেই আঘংগে ভোন্যারে
এইম-ব কইয়ে নলে তে এব' কমলে ॥

লাঙ্যাবী আয়না যেই

লাঙ্যাবী আয়না যেই বরগাঙত্ ভাঝি যেই

সাজুরী সাজুরী দ্বিজনে আহ্‌ঝি যেই ॥

লাঙ্যাবী আয় না যেই ॥

বর গাঙর কুলে কুলে আমি ভাঝি যেবং

বরগাঙর তুবোলে বোলে আমি আহ্‌ঝি যেবং

আহ্‌ধে আহ্‌ধে ধরিবং আজাআজি গোরিবং

এয়েন এক জাগাত আমি লুঙিবং ॥

যিদু গেলে র' নেই যিদু গেলে দেঘা নেই

তুই আর মুই বাদে কন'জন সিদু নেই ॥

দেলে তন্তুন বুগ্ জুরেব' দেলে তন্তুন চিৎ জুরেব'

কন' দিন আর ত মনান ফিরি ন' এব'

দেবে গোই ফাউনর পেখ্য আঘে চেই

কুহ্ কুহ্ মিধে রয় ডগরের তরে কোচ্ পেই ॥

দিন্য বোই বোই মন' কথা কবং

রেত্য এলে চিদে নেই জুনি পহ্‌রত বেৰেবং ।

লগে সমার থেব' শিল ছড়া জর্জরী

সিদু আমি থেবং গোই তল্লোই জনমভরী ।

আহ্‌ধিবং দ্বিজনে জীংকানীর রেগা বেই ॥

ও বেভেই

ও বেভেই-

আয়না ঝাদি ঘরত যেই

মা ইয়েং ইয়েং মা ইয়েং ইয়েং

বেল পুকুন দ দগন্তন

সাঝন্যা অহ্লি ভেরবেরই ॥

ধুধু ঝাঙ্য ডগরের

ধু ধু ধু ধু গরের

কাঙারাগুন কুন্দি গেলাক

মসুন পুঝর গরের

এগজা আঘে তগেই তগেই ॥

চিনদিরে গুন ন ছিনিস্ আর

তোন পাস্তানি ফেলেই যেই

ভারী গোঁরি ডরাঙন্তে

চুদ' আহুন্তি ঘরত্ যেই ॥

মোন্য বগা মোনোত যাদন

ককে আমি যেবং

হাকে অহ্লে আঝার অহ্ভ

পথান ন দেবং

গজাং গজাং আয়না ঝাদি হ্চ বারেই ॥

মনচুরী এবে তুই

মনচুরী এবে তুই কমলে
কি আনর দেৱী এধক কি দিবেগী মরে ।
উই চানা ফাউন গেল' কোগিল্ল আর নেই
বিঝু এই বিঝু গেল' বিঝু পেখ্য নেই
তুই এবে কমলে কি দিবেগী মরে ॥
নাকি মরে বেজার ওয়চ
নাকি মরে পুরি ফেল্যছ
মুই তরে কোচ্ পাংগে
তুই এবে কমলে
কি আনর দেৱী কিয়্যা কি দিবেগী মরে ॥
কুয়ে পেখ্য দিম্মনে তরে ডাগেদে
পদ' হেত্যা রিনি চেই তরে বাচ্ছেই আঘেদে ।
মুইও বাচ্ছেই আঘংগে
তুই এবে কমলে
কি আনর দেৱী কিয়্যা কি দিবেগী মরে ॥

ভালোক বঝর

ভালোক বঝর পার ওই গেল'
কধক স্ববন ভাঙি গেল
পুর্নিমা জুনো পহরে পহরে
এবার মরে যেবার দে ॥
দ্বিজনর অসাগর কধানি আঝানি
পুরি ফেলা তুই ভাবিন্যায় চেইচিদি
জুলি যোক মনে কলে বুগ
একদিন যে পেবে সুগ ।
ন রাগেচ আর ত' খাদির আন্ধলে ॥
গায় গায় ত সুগে তুই থাক
ম সুগে মুই থেম
ন লাগিবো আয় পায় ইধ' ঘর
দেঘা অহ্ভং আমেনে আর' এক জনম
রিনি চা ফাউনর দেবাব্য চেই আঘে ॥
একদিন তুমবাজ ফুলে ফুলে
আঝার শাগোন বৈজেক্যার সমারে
ত বুগত ফিরি এইম মুই
ফিরি এইম্ হ্চ আহ্ধেই ত' গাঙত
চেই থেলে দেবে আর' ফিরি পেবে
ঝরজরী এ মনান টানি তুলি ললে ॥

আমা নানু

মোন' উগুরে আমা নানু সিধু তে থায়
মোন' ঘর ইজোরোত বোই জুমো পেক্কুন ধাবাই ।
আমা নানু বুর' নানু তারে আমি কোচ পেই
পচ্ছন কোইদে আমারে তা ধাগত থেই ।
আমা নানু রেদোত জাগি সুধো পেচ্য চরগাত দি
কেঁ কেঁ ডগরায় ।
উভ' গীদ' সুরেন্দী বাঝি ধুধুক শিঙা বায় ।
সে সুরেন্দী ডগরন ঝাগে ঝাগে অহঘলক
মিধে র নিগিল্যান মোক পোও কদ'রক ।
তারা র' শুনিলে আমা নানু কানেদে
পুরনী দিনুন পুরনী কধা ইধোত তুলেদে ।
নিঝি রেদোত জুনো পহুরত জলগা জলগা বোইয়ের বায়
কবরক ধানর জুম' নে নানুরে ডাগি যায় ।

ও ফুলো তুই

ও ফুলো তুই এধক দোল কিত্যায় ঝরি যাচ
মাদি উগুরে পরি পরি একুরে তুই ক্ষয় যাচ ।
যক্কে তুই ফুদিবে কধক লাগে তুম বাজ
চিদে অহ্লে ঝরি পলে মাদি উগুরে পরি থাচ ।
কিত্যায় ফুল ঝরি যাচ এই কধাগান কনা
ত কধানি কোই ফুরেলে তুমবাজ দি যানা ।
ম কধানি মনত থোচ ম কধানি ধরিবে
পেগো ধক্যা সিও লোইন্যা আগাজ' তলে উরিবে
তরে দেলে ভঙরা এলে আহ্ঝি আহ্ঝি ডাগিবে
পিচ্ছে ফিরি চেই চেই বোইয়ের এলে নাজিবে ।

মুর' মুরির মানেই আমি

মুর' মুরির মানেই আমি মুর' ছেরে থেই
রাগ না গোরি জধা অ এয' বেঙ্কনে উযে যেই ।

আহ্ধে আহ্ধে আহ্ধ ধরি

সং সমারে কাম গোরি

মেঘে মেঘে পেগ উরদন তারা মনত দুগ নেই

রাগ ন গোরি জধা অ আমিও উরি যেই ॥

ঘুমন্তুন জাগি ল ঘুম আর ন' যেইয়্য

যে যিয়েন জান' তে সিয়েন শিগ'

বোই আর ন' থেইয়্য ।

পূণ্য কামত আহ্ধ দিবং ধর্ম পদথ হ্চ দিবং

উজ্জিবং নির্বাণর পথ বেই ॥

আগাজর তারাণুন এক সমারে থান

সংসমারে জ্বলন তারা সংসমারে মরি যান

সিয়েনি তুমি ভাবিচ মনত দুগ ন' পেই

বিদ্যা বুদ্ধি শিগি ল' বোই আর ন' থেই ॥

ও গাভুরী লাঙ্যাবী

ও গাভুরী লাঙ্যাবী আর' এভে কমলে
খুজি অভ' ত লাঙ্য দা কধা দি গেলে ।
নুদি মনর ত আহ্‌ঝিব' মরে দি যানা
বুগ্‌ ভরন কোচপানা মন্তুন নে যানা ।
ফুল ছরাবো গাধেই থোম যদি তুই এলে
হারু আনি দিম বাজারতুন মন' কধা কোইগেলে ॥
এধক কেঙেরী নুদি অহ্‌লে কাতুন দেঘিল্যা
বারব্য চোগে রিনি চাহ্‌না কাতুন শিগিলে
ইধোত্‌ আঘেনি কধে চাঙ সন্ধে কি কোয়চ
লাঙেল' পিদিত মোন' ঘরত কারে বোলেয়চ
ফিবির ফিবির বোয়েরত জুন' পহ্‌রে পহ্‌রে
ইজুরত বোঝি মুও মি গোরি কিত্যায় মাদেলে ॥

পেখ ডগন্তন

পেখ ডগন্তন নানা সুরে বেলান ডুবেতে
সাঝন্যা পুঙ্কন উরধন মনান কানেতে
ডুবং ডুবং রাঙা বেলর দোল সদক্কান
সিয়েন দেঘিও কানি উধে মর পরানান ।
পুগ' আগাজর রানজুনীয়ান বেঙাগোরি উধেতে
গধা কেইয়ে রঙ ছরেইয়ে মানেগ' সান জুলেস্তে ॥
চিগোন কালা ভঙরাগুন উত্তন ফুলে ফুলে
নানা রঙর দুও মেলি দুওন পত্তাপোত্তিগনে
ফুলর রেনু লোইন্যায় তারা মধু বানেবাক্
করি কুজি ফুল' থুপ্পন মন সুগে নাজিবেক ।
দোল দেবাবোর পুনং চানান ইত্তুক ইত্তুক আহ্ঝেতে
দিন্য ফুরেই গেলগোই নানা কধা ইধোত উধেতে ॥

নানা মানজ্যর নানা কধা

নানা মানজ্যর নানা কধা নানা পেগর র'
রাগ ন' গচ্য বাপভেই লক বেগে ভাবি চ'
এই দুনিয়েত্ নানা কধা তমাস্তুন মনত্ উধিব'
আমারে যারা ফেলেই গেলাক তারারে মনত পরিব' ।
সে কধানি মনত পলে দ্বিচোগ বেইনে পানি পরে
চেরো কেত্যা জুর' পল' এস্যা কিত্যায় ঘরে ঘরে
আগরী দিনত কি এলং পেইন্যাও কেয়া আহ্‌রেলং
কার ভুলে কি ওইয়েই সিয়েন ভাবি চ ॥
এক আদাম্যা এককুই মানুজ বেক্বনে ভেই ভেই
সুখ ফিরিব' নুও গোরিন্যা যদি আমি এক থেই
লেঘা পরা ধনে মানে রেঙে গীদে কাদেবং
আমা দেঝ' আমা মান আমি বাজেবং ।
যক্কে আমি এই আঝানি পুরন গোরি পারিবং
সিন্তুন ধোরি তেহ্ আমি সুগে দিন কাদেবং
ইয়েন বাদে উবোই নেই আমল গোরি চ ॥

ন অহ্লে নেই

বন্দারে বুঝেলে সিঝিগে পায়
আয'জ্যা পিরেয় গাঝা গরে
হুমবোক্ অয় মনানি
তে লারে গোরি পরশাল্য ধরে ।
গুত্যানি বেগর বেগর দোল
খালাপ' গোজ্যা তগেই ন' পায়
সিদেন' কনাদি পহ্ৰ দেঘে পারা
ডাগিলে র' ন' পায় ।
আধ্ কবালি ওইয়ে বেগর
সে লগে এগাতারা জ্বর
নাক্ তাল্য পোরেই উধিলে
কারতুন মনত্ ন উধে সকে ঘর ।
হোলগেই হুলগেই দারুখানা
চিদুরী টানা দিন্যা
হুচ বন গরি ঘর বন গরানা
গাবন ফারত পিনিনে
নিধেন গোরি ডিবে দেনা
ফোগোদী কানাত পহ্ৰ ন' থোক
জগ'দাঙ গোরি ন' থানা আর
ঝর এযোক আর ব' এযোক ।
সিনেলী মগ'দীমা সিজ্ গেলে
ঘুদু ঘুদু বোলেই বোলেই
নক দাবন চেই কবাল ধরানা
অহ্লে অহ্ল' ন' অহ্লে নেই ।

২০০৯ সনের বিবু

তুই এভে ভিলি চেই থেই
বসন্তর ফুল বাগানত
গেলোগোই বুগপরা ধন বেঘর
শেল ফুদি থায় তে অবুঝ মনানত
অকু মজিম তরে পেবং
সে আঝালোই বোই থেই
পত্তি বঝর ফিরি এভে
সে আঝালোই চেই থেই ।
মানের অমর দভাকাদি তুই
ক্ষয় ন য়েবে আর উমুরত
নগকুনি পারা অহ্লেও পরেয়ে নাঙে
বাজি থেবে যুগে যুগে এ পিখীমি বুগত ॥
মরে রিনি চা বাউন্ন বিবুত ছচ দ্যাং
ম আধানার যে থুম নেই
চক্কর মেঝানি মনানত মুর গুজে
বগা আঝাত পরি থেই থেই ।
তুই এভে বিবু রেঙ চাগত তুলে ডগরে
বেঘর আওঝে সাজেয়্যা ঘর' দুওরত
কি গোরির কি ন' গোরির চেবেগি রিনি
থেদং চেই বেঝুনে ত কেইয়ে পহুরত ।
একদিন বচ বঝর পুগোর ন' লোই কিওজনে
বেঘে কভাক উজুগোরি ত বচ কয় বিবু
নাঙ ঘিনি ব্যাক সকে তরে তে
মনত রাগেচ ম কধা ২০০৯ সনের বিবু ।

টানি তুল

কমলে কন দিনত ঘুরি ফিরি তরে চেই
তারা ধক্যা জ্বলিবে ম মনানত কায় এই ।
ফাউন এয়ে আহ্বি আহ্বি তুমবাজ ফুলে ফুলে
বিঝু গেলে বিঝু এয়ে থান পেই মুরে মুরে ।
ফিবলক ত মনান থান পেই আহ্মিঝে
দ্বি চোগোত কি তোগেই থেই থেই ফুরি উধে ।
ভাবি চা সমারী কধা কনা দেঘা অহ্না ভারী দুরত নয়
যদে পদে লাঘত পানা তুও কিত্যায় মনে কয়?
চোগে চোগে রিনি চানা দ্বিয়েন মনে কধা কনা
কানায় কানায় সঙ পরি এক্কুরে এক অহ্না ।
সে আহ্বার দরিয়েন পেচ খুলি সিনি গেল
কুলুক অহ্ল' আঝায়ানি মনানত জলি রল'
বেলানে কন'দিন জুন পহর ন' দেঘে
চানানে কন হেব বেল' পহরত ন' আহ্বঝে ।
তে তারে তোগেই চায় সুক পেলে সুক ন পায়
মুইও তোগেই অহরান অহ্লুং তুই থাগ গায় গায় ।
বৈজেক এলে ভাঝেই দিস ঝড়' লগে দুখ্যানি
দেবা কালাত ন' কানিচ ঘুরুঙর র শুনি ।
দম দমা ভুইয়' ধক বাঝুক বাঝাক জীবনান
আহ্ব' দে ধোক দোগিত এধ' নয় আর গাভুর কাল ।
সেতায় এ বিঝুত ত' নাঙে দ্বিবে ফুল ভাঝেলুং
রিপ রিপ ধুজুরী র' পেলোয়ো কোচ পেই টানি তুল ।

কজমা বচ্ছান গেলগোই

কজমা বচ্ছান গেলগোই

রেত্য দেঘং স্ববনে

দিন্য গেলে দিন্য এয়ে

তুই-দ ফিরি ন এভে ॥

অকৃত এলে ইজুরোত বোই

কধক কধা কধং

জুর' আভাত সুখ লাগি-দ

জুন' পহরত বেরেদং ।

সে অকৃতগান নুওগোরি কি পেবে ॥

মনত উধে কবরক ধান কল'গত

জুম' পেঙ্কুন ধাবেলে

ছরা হুলুঙত ফুওং ওজুরী উধিদ

রেত্য কাদেই ধুধুক বাজেই মনান নাঝি-দ

পথমে আর স্ববনে ইঙ্কুনু আর ন' দেবে ॥

কধক গোরি রান্যা জুমত্ বেরেদং

ফঝি সাবারাং নানা তোনপাত তোগেদং

বেল্যা অহ্লে চেরেই পুগর র-শুনিনেয়

কুল্পেং বুগি কধা কই ঘর' মেক্যা ফিরিদং

ন' এভাক আর সে দিনুন তুইও ফিরি ন' চেবে ॥

নুও স্ববনর ডাগ'নি

বেলান ডুবেলোই চানান উধের
চেরোকেত্যা ইস্তুক ইস্তুক পহর বাঝের
পুরনী কধানি ইজুরোত বোইনে
নিঘুচ গোরি মনস্তুন উধের আর পরের ।
চেরাং চেরাং ত দ্বিবে চোগ্ সন্ধে
জারকাল্যার যেন ফুদ' ফুদ' হুও পানি
কুজি দ্বি আথই পুঝি ফেলর
তরে তুই গন্তে কধক কজলি ।
সিয়েন একান কধা একান আঝা
কালে কালে জুলি থেব' কেই
গন্তনাত অন্না পিন্যা ধক্
আহ্মেক্কন মনানত বারি মারে থেই থেই ।
উধুম দুমো কধানিত পিরে ফুদে
মুরত সোমি থায় শাল
ফুওদে ভারী দুগ অয় তে
মন' আঝাত ভাঙি যায় আওঝ' পাল ।
দয্যাত পহ্ন পানিত বুর মারি থেই
ভিলবিলেই রিনি চহর পিঝেদি ।
কি ওইনে চিগোন অয় বেরবেরেই
এধক আঝালোই নুও স্ববনর ডাগ'নি ।

খারিস্ক্যঙর শিল চাদারা

খারিস্ক্যঙর শিল চাদারা
চেরো হেত্যাদি ধুও ওইয়্যা
পরান ন' থায় মনান কানে
এঝ' চেই রোইয়ে ॥
ছচ বিজিবেই আহ্ধঙর
মন বিজিরেই তোগাঙর
নানা কথা উধে পরে
স্ববনে এজ' দেগঙর
ঝুব' ছেরে বাঝি থেই মনান কি ওইয়ে॥
পুগে বেলান পজীমে যেদ'
সেদক খারা খেলিদং
সংসমাজ্যায় কধক্ বেরেই
অক্ত মজিম লেঘা পড়া শিঘিদং
সে অকতগান মতুন ইক্কু ফুরেইয়ে ॥
ফুরেই ন যায় আমা আদাম
আর' আঘন সাগর ভেই
কামে সনা ভরিব, দোল স্ববনান লাগিব'
ডাগি যেব' সুগর ফাউন এই
নুও গোরিনে চিদভিজিব' দিন্য ঘোনেইয়ে ॥

নয়ো মাদে নয়ো আহ্বে

নয়ো মাদে নয়ো আহ্বে নয়ো কথা কয়
দোল অহ্লেয়ো তাত্যায় মুই বৌ যেদুং নয় ।
মুই অহ্লেংগে ডিসকো মিলে পিনোন ন পিনং
মাঝে চানে শহুরত যেইনে নুও নুও শারী কিনং ।
গরবা তরবা ন চেম মুই ডিসকো পিনেহ্ পরিব'
স্যানি চেলে ম শোরব্য জোল গোরিব'
লাভ গোরিন্যায় সময় কাদেম নেক লদুং নয়
দোল অহ্লেয়ো তাত্যায় মুই বৌ যেদুং নয় ।
গারী এক্কান দ্যা পরিব' লাঘা বেতন পেলে
আহ্জির উজির থা পরিব' মরে যুদি ললে ।
ড্রেস চাঙ্ টি,ভি চাঙ্ আর' এক্কান ভি.সি.আর
মদ খেলেও অহ্ভ' নয় চেইচ হ্শিয়ার ।
কাম করচ পাত্তুং নয় ভাতও রানি ন পারিম
রেদে দিনে পরি থেই থেই বানা কেসেট শুনিম ।
ইত্তিরি যুদি হাম ন খেলে সালেন অহ্ধ' নয়
দোল অহ্লেও তাত্যায় মুই বৌ যেদুং নয় ।

উই পুগেদী

উই পুগেদী রাঙা বেলান উধের
রাঙা দোল কেইয়া সদক
রাঙা বেল' পহ্ৰে পহ্ৰে আহ্ধিবং আমি
এয' ভেই লক এয' বোন লক ॥
যেই যেই যেই জুগুল' তাগ'লানি
কুজিবং ধান দোল গোরি জুম'নি
লাগেবং গাছ বাশ ঝারানি ধুওগোরি
বল পলে জিরেবং লাঙেলত ॥
দুখ্যনিরে সনা গোরিবং
কাম গোরিন্যা ম্যাদ ধোরিবং
মনানিরে সঙ গোরিবং
এয' এয' পথ বেই সল্লুগত ॥
ধর্ম পুন্য মন দি'ন্যায় জিদি লোই
কর্মগানি উচ্ছো গোরি আহ্ধত লোই
কি দিন এযের ভাবি চেই
লেঘা পরায় যেদা ওই
এয' মিলি ছচ ফেলেই এক পধত ॥

তরে কোচপেই

তরে কোচপেই যে ভুল গজ্যাং
সে ভুলর মুই ফল পেয়ং
চোগ'পানি গধাবানি
মনত ভোরেই রাগেইয়ং ।।
যোক আহ্‌ঝানি আহ্‌ঝি যোক
ন' এযোক ফিরি দগীন আভা
সুগোর পাল্‌ তুলি দে তুই
ন' থোক মনত্‌ দাগাবগা
মনানরে মুই ইয়েনদ' শিগেইয়ং ।।
তুঘুদ তুঘুদ ইধোত তুলি
কাদি যেব' দিনুন গুনি
পিরপিরেলে চোগ' পানি
ভিলভিলেরে দ্বিচোগ মেলি
এক দুরন্তুন মুই দ' চেই রোইয়ং ।।
রেদো স্ববনত্‌ তরে দেলে
ম' কায় আঘচ্‌ পারাপাং
পথমে আর স্ববনে ভোগায় এ মনান
দুঃখনরে আওঝ্‌ গরি মুই-দ' বুগি লোয়ং ।।

পেক্ষ্য ডগরে

(প্রয়াত কলিত চাঙমা নাঙে)

পেক্ষ্য ডগরে

মনানে কথা কয়

বুগ ভরন কোচপানা

বে অঙ্কয় কারি লয় ।

ফুলপারা জনমান

ফুল' ধক্ ঝরি যায়

চোগ' পানি ব' নিজেচ

ধন্দুগত ভাঝি থায় ।

ফিরি আয় নুও গরি

খবঙান খুলি দোয়ং

ফিলগিত্ দেলানদি

একরিনি চেই রইয়ং ।

পাদাছারা গাজ্যত্

বৈয়েরান আর ন' বাজে

জুন' পহরত চেই আঘং

চানানে দ' ন' আহুঝে ।

তুই এলে জুন' পহর বাঝিব'

ফাণ্ডনর কোগিল্য ডাগি-ব'

উম অভ' কনাকুনি চের'কেত্যা

ঝরা পাদা কর উধিব' ।

কন স্ববনর রানজুনি তুই

কন স্ববনর রানজুনী তুই
নুও' গরিন্যায় রঙে সাজি এলে
জাগা থোইদ্যং খেলাং খেলাং
বুগত বানা ন আধে ॥

বাচ্ছেই থাক্কে হরান অইয়ং
আগে এদে কি হধ'
ঘামে ঘামে বুরি গেলুং
পেক্ পেক্যা সর' বর'
কধা কবে কি কই ল' মনত্ থাগ'দে ॥
এধক্ গরি তোগেলুং
বুগত্ বানি রাগেলুং
ঘুমত জাগি ডাগিলুং
আহুধি যাদে উঝত্ খেলুং
রেগা পার অহুদে ॥
আঝা গানি আঝি গেল'
কধাগানি ভাঝি রল'
তোগেই তোগেই আজুর গেলুং
গদা কেইয়েনত্ ঘা অল'
ফিরি এলে ফিরি আয় বেলান ন যাদে ॥

যকে দেখ্যং

যকে দেখ্যং সকে মুই
তাসুন একা উজুল' এলে
ন খাচ্ ফেলেই কিচ্ছু দরপ্
ইক্কু কেনে ইরি থেলে ॥

তোগাং ফাণ্ডনত ফুলে ফুলে
তোগাং বৈজেগর ঝর' লগে
আহুধানা পথান নিবুলী হল'
পেখ্য কানে ঝুব' ছেরে ॥

উরি এইন্যায় মনত্ বজং
জুরি লোইচাঙ তরে
দিনুন যেয়ন্ ন অভ' আর
ফিরেই আনি ন' পারে ॥

কজলি স্ববন ইধোত্ তুলি
ভাবি চেবে নিগুচ্ গরি
করত্ তুলি বুগত্ ললে
তুই থেবে যে জনম গেলে ॥

এ সংসারত জনম লোইন্যায়

এ সংসারত জনম লোইন্যায়

কারে আমি কি দিলং

দুখ্যানিরে সুগ্ দেগি বেচ্

কাতুন এ বর মাগি লং ॥

পিথিমীয়েন অরায়ুগ

অরায়ুগ নিজে গরিলোই

গম্ কামানি বজং বানেই

পাপ্ কামানি শিগিলোই

সালেন্ আমি কি গুন গরিলং ॥

মা বোন এয' বাপ্ ভেই এয'

পুরি ফেলেই ঘুরি এয'

পেরগা কাজর ঝারি এয'

মিলি মিঝি হাঝি হাঝি

ধর্ম ছাবাত্ জিরেই এয'

গেল্লে দিনুন ভাবি চেই কি থগিলং ॥

ধর্ম কামত্ এক্ অভং

পূর্ণ কামত্ উযেবং

সুগর পথান ধুও গরিবং

নির্বাণ সাঙুত কুচ্ দিবং

দুস্ খেইন্যায় দ উচ্ বারানা শিগিলং ॥

বুব' স্ববন

কইও ন' পাজ্যা সইও ন পাজ্যা
কেঙেরী থেবং চেই
একা চাঙেলে কাদাফুদন
পিরে পেবার জাগা নেই ।
ধাগ্ পারিল্যা সিগুত্ সাগাত্
উগুরি বলে খগ'রা সুলন
তেঙঝাং গল্যা ঘুম ন এয়ে
তান্ ন মানে কেরেং বু দুলোন ।
উগুর চিদোর সরল্ গরি
কয়দিন থানা ভেই লক্
চোগ্ খাদিলে আন্ধার অয়
ঘরানি বেগর লদক্ ধদক ।
চিদেই চিদেই বাধী অল' বচ্ দরম
আভীলেচ্ খাদন সারা পেগোভা
চের' কিত্যা এ্যাহ্ধো হেদার
পরান বাজিবের দ নেই জাগা ।
এজান্যা গরি কাদি য়েব'
আর' কধক অরায়ুগ
জনম দুখ্যা অ' কবালায়া
ন পেলং আর কন' সুগা॥
ধর্ম গর' পুন্য গর' বুদ্ধ কধা মানি চল'
দুখ্যানিরে মুরে মুরে অযম গর'
ন দেগং, ইয়েন বাদে আর নেই গাবন
ভাঙিন্যায়' ন অভদে ইজিরেদি বুব' স্ববন ।

পাগেই পাগেই

পাগেই পাগেই নদি চোকুন্দোই
ঠারেই ঠারেই কারে রিনি চহ্র
খুন্তেই যেইন্যায় কি পেলৈ চেই
মু চিমেই চিমেই কি আহ্বার ॥
আত্যা়মাত্যা কধা ন কোচ্
এলৈ ঝাদি আয়
চিং ন ভিঝের একায়ে আর
ঘরত্ আঘৎ গায় গায়
তুই ন এলৈ হঝা এইম্ এধক কারে লাজর ॥
ইজুরোত বোইন্যায় কধা কবং
রেত মেগুল' দেবা কেত্যা তারা রিনি চেই
মন' তুবোলে আঝি যেবং
সুগ্ সাগরত্ ভাঝি যেই
জুর' আভা সমার অভ' ধাগত্ থেব' জুন' পহ্র
আয় সমারী ঝাদি ঝাদি আহজি আহজি
খুমো মনান পেলৈ পেলৈ ভরন গরি
ফাগুন মাঝত্ ফুল বাগানত্
ঝি-আহ্দ বেরেই তমিজ পুরেই দেঘী
নিগুরী থেইন্যায় আমক্ গরি কি ভাবর ॥

ন এল সকে

ন এল' সকে দ্বি চোগোত্ ঘুম
তুই দ কারি নেযেয়চ্
এধক ডাগি ন চেলে ফিরি
বেজার আইন্যায় কি পেয়চ্ ॥
বেল্ ডুবিল' সাঝন্যা অল'
তুই দ ফিরি ন এলে
কুধু বাঝি রলেগোই
ঝর বোইয়েরত্ ওল্ অলে
ককে ককে কি ভুলে পথান আহরেইয়চ্ ॥
ফাগুন আইন্যায় ফাগুন গেল'
বাচ্ছেই রলুং বৈজেগত'
বেরেবং ভিলি কধা দিওয়চ্
দঘিন' সুগোর বোইয়েরত্
তস্ ন গরি অদেঘা গরি কুধু আহ্ঝি যেয়চ্ ॥

বন্দুক ভাঙার মোন মুরগুন

বন্দুক ভাঙার মোন মুরগুন
আগরি এলাক আহুজি খুজি
ডাগি যেদ' আহুধ বারেইন্যায়
ঝলগা বোইয়ের নাজি নাজি
সে দিন মাদানুন কুধু আঝি গেল ॥

কাবত্যা দূয়রত্ মুগ'ছরি
গুগরদ্যা বিদ্যা রাজ্জ বিলেশ
ভূইয়ে ধানে গোলা ভরন তিপতিপ্যা
কারর ন এল' আহুবিলেচ্
সে পিরিব্য ইক্কু কি অল' ॥
ছোট রাজার রাজপুরী
দিঘিলী বাগর মোষণর
গুন্যং বানা ন দেগং
গদা ন এসে কি এল' ॥
ভার্বাচাব আ ধর্মমোহন কার্বারী মুর'
সে দগীনে ধাঙর সাদাল পাড়া
উত্তুরে চেঙেই পারে পারে
বাকছড়ি বাজার পেরাছরা
কক্কে কক্কে বাজারানো আর ন থেল' ॥
নূয়' আদামর জুনিয়র আ এম,ই স্কুল
নেগে মোগে মাষ্টরি গস্তাক
নামী দেবান বাবু শান্তিময়
তার দাঙর পোণুনর জন্ম সিদু অয়
নাঙ গিনন্দে লেঘাপরা ভারী দোল এল' ॥
চেঙেই পুগকূলে দেংচাগা বিল
বাঝাবাচ্যা আমা আদাম খারেক্ষ্যং
যমে এল' বন্দুক কনা যম যুগত
আমা কুরে পগির্যা বুজ্যা আজু ঘর
গধা পানিয়ে ডুবি আর কিচ্ছু ন র-ল ॥

এই পিখিমিত দেবাত তলে

এই পিখিমীত দেবাত তলে

তল্লোই ঝিজনে

কুধু য়েবে কনা তুই

য়েবং সমারে ॥

যিদু য়েবে সিদু য়েম্

জনম জনম তগেই থেম

পেগো ধক্যা উরি গেলে

মুইও' উরি য়েম্

আয় উরি য়েই বোইয়েরে ॥

আগাঝর তারা লগে

যুদি তুই মিঝি থাচ্

দুও' মেলি আগাঝত্

যুদি তুই উরি যাচ্

মুইও' য়েম্ তলগে য়েদ' চায় মনানে ॥

ফাণুন ফুরি এবঙ ঘুরি

গেঙ্কে দিনুন ইধোত্ তুলি

পেঙ্ ডগরি ফুল ফুদিব্যাক্

রিনি চেবাক্ আমারে ॥

জুমত তাল্লোই

জুমত্ তাল্লোই উভ'গীদ গেইয়েই
জুমত্ তাল্লোই বেইয়েই
কখা কোইয়েই বোইয়েরত
তা সমারে থেবার কোইয়ে
তা সমারে যেবার কোইয়ে
তারা মোন' ঘরত্ ॥
দেখ্যং তারে-
পিনোন পিন্যা এল' খাদি বান্যা এল'
আহ্‌ঝাং আহ্‌ঝাং তা ম্যোন
জুম' তুগুনত্ বোই এল'
খেংগরঙান আহ্‌ধত লোই ইরিদি চুলোন ।
যেবার কোইয়ে তে মরে
তারা মোন' ঘরত্
অকত মজিম যেই ন পারং
দুগ্ লাগেদে মনানত্ ॥
তারা জুমর ধান পাগানা পাগিন্যায়
তুলি ফুরেইয়ন
তারা জুম' ধান পাগানা তুলিন্যায়
আদামত্ লামি যেইয়ন ।
তারা আদামান ইক্কু কুধু তোগেমবোই
তারে মুই কুধু পেমবোই
তারে মুই পুরি ন ফেলাং
পুরি ন ফেলেম জনমত্ ॥

মুই এক জীবন আহ্ৰা

মুই এগ জীবন হারা পেগোডক্যা
ম ঘর কুধু ঠিগ্ নেই
ম গীদ ভাঙা ভাঙা
ম গীদর সুর নেই ॥
এই দুনিয়েত্ জাগায় জাগায়
বেরেই বেরেই থাঙ
এই দুনিয়া দুগো ভরা
দুগর গীদ লেগি যাঙ
কি দিম্ কাৰে দুগর গাঙত্ ডুবি থেই ॥
তমা মুজুঙে কি গীদ গেইম্
সুর নেই মর গীদ ন জানং
চোগ' পানি মর আঘে
তুমি নেয' দি যাঙর
ঝু জানাঙর বেগরে কোচ্ পেই ॥
তমা কোচ্পানাত লগে থেদুং চাঙ
তমা আহ্ঝিবোত গলে ম মনান
কোচ্পাঙ তমারে মন-দি বেগরে
ঝরাপাদা কর'উধিব' বেগে মিলি সঙ অহ্লে
সু-পদত্ চলিফিরি এয' আহ্দি চেই ॥

এ গীদ তর

এ গীদ তর এ গীদ মর
এ গীদ গেই যাঙর
এ গীদর সুর তুলিচ্ সুর জাগেচ্
আহ্ধত তুলি দি যাঙর ॥ঐ
লাম্বা দুরোত পদে পদে আহ্দি আহ্দি যাদে
চোগ' পানি বুগ্ ভরি ফেলেই ফেলেই যাদে
এ গীদ মনত্ রাগেচ্ সুর তুলিচ্ সুর জাগেচ্
কজ'লি গরি মুই কঙর ॥ঐ
দুর' আগাঝত মেঘ চাগানি ভাঝাদ্যা
ব লগে ভাঝি যার তার কেইয়্যা
সমার আঘে মেঘ চাগানি
মুইও' ভাঝা দ্যঙর ॥ ঐ
ন' কানিচ আর' রিনি চা
ন' তোগেচ্ আর ফিরি যা
মন' কধা মুই গাঙর
এ গীদর রঙ্ তুলি মন খুলি তরে শুনঙর ॥ঐ

তত্ৰায় মুই

তত্ৰায় মুই এই জীৱনত আৰু আহুৱা পেক্ অলুং
নিত্য এযং ত কায় কায় তৰে লাঘত্ ন ফেলুং ॥

তুই কি মৰে বেজাৱ অইয়চ্ ন'দ' মাদেলে

কধা কবাৱ চেইয়ং তল্লোই কধা ন কলে

সক্কে দিনত্ ম সমাৱে কধক বেড়ৈয়চ্

মন' কধা ভাঙি ভাঙি মৰে কোয়চ্

এচ্যা কি তৱ সে কধানি মনত নেই

এচ্যা কি তৱ সে কধানি বুগত নেই

ঘুৱি ফিৱি বঝৰ ধৱি এধক তোগেলুং ॥

সুৱৱ ব সুৱে সুৱে সুৱ সাগৱত্ ভাঝি যায়

আগাঝ তে কিচছু ন কয় মেঘ ছাগানি বুগত লোই

আৰু গৱি থায় ।

তুইও' যদি সেজান্যা গৱি ম ধাগতুন যাচ্

ভালুদুৱ দূৱত্ যেইন্যায় ফাৱক গৱি থাচ্

মুই কি সক্কে পাৱিম তৰে ধাগত্ ৱাগেই

কুধু যেম্ কুধু থেম কুধু তৰে তোগেম

বেল্ ডুবিল' ন এবাক আৱ ফিৱি সেদিনুন ॥

পেখ্য লগে ম মনান

পেখ্য লগে ম মনান উরি যেদ' চায়
দুর' আগাঝর দুর' পেখ্যর
আর দ দেঘা ন পায় ॥
পেক্য কোয়চ্ মরে তুই
আর' ফিরি এইম্
ত জীবতন্ জনম জনম
নিত্য ত কায় থেম ॥
দুর' সাগরর কুলে কুলে
উরি যেবং ঘিঞ্জে
দুও' মেলিদি আগাজদ্
সমার থেবে ম লগে
নযেম্ ফেলেই কন'দিন
তরে দ মুই গায় গায় ॥
দুর' পেখ্য তুই এচ্যা
কুধু যেয়চ্ কুধু রোইয়চ্
ফিরি এইম্ আর উরি এইম্ আর'
মরে তুই কোইয়চ্
সাগরত্ ভাঝি ভাঝি
ম মনান উরি যায়
ফিরি এজে' মন' দুগে
তর দেঘা দ ন' পায় ॥

মন খুলিন্যায়

মন্ খুলিন্যায় মন' সুগে
কধক্ গীদ গেইয়ংগোই
দোল্ বৈয়েরত্ ছাবাত বন্নি
কধক্ কধা কোইয়ংগোই ।।
এচ্যানেই আর সেদিনুন
তোগেই ন পেম্ আর
মন' পেক্য কায় নেই আর
উরি যার, উরি যার, উরি যেইয়োগোই॥এ
পেবার নয় আর সেদিনুন
ফিরি দ আর ন এবাক
থেদাক্ নয় আর সংসমাজ্যা
মন' কধানি আর ন কবাক্
গাভুর ফাণুন জুর' গরি আহ্বি গেলগোই ॥এ
রান্যা জুমোত্ লাঙেল পদথ বেরানা
শিল্ সাদারা থক্ বুঝিচেই আদানা
সুগোর আহ্জি গলি গলি ইধোত্ তুলি
দবদা পদথ জিরেই জিরেই দিন্য কাদেইদি
উরি গেল' মন পেক্য ন-দ এলগোই ॥ এ



লেগিয়ে দ্বিয়ান কথা

থেবরক্ খেইয়ে জীংকানীলোই মরে
 মুই লোইন্যায় আ কুধুকুণ
 বিদিয়েইয়ে বিজগর উদিজে দেব্,
 যাদর, রুব, রঙ লোইন্যায় নিজে
 রোজেইয়ে কয়উক্য কবিতে বই
 বানেই 'জুম গাভুরী' নাঙদি ফগদাঙ
 অহ্ল'। ভুল থেব' জানিন্যায়া
 পোরব্যঙন' ইধু কিজু অহ্লে গম্
 লাগিথেলে ও ম আঝা পুরেব'।